



Broj: 13-11-4-3563/26
Sarajevo, 15.07.2026. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

O D L U K U
o izboru najpovoljnijeg ponuđača

I

Za najpovoljnijeg ponuđača za javnu nabavku usluga „Vršenje usluge stručnog nadzora nad izvođenjem radova na projektu restauracije Historijskog muzeja- predfaza i I faza“, po provedenom postupku javne nabavke putem otvorenog postupka javne nabavke izabran je slijedeći ponuđač:

IPSA INSTITUT d.o.o. Sarajevo
sa ukupnom cijenom od 46.000,00 KM
(četrdesetšesthiljada i 00/100 konvertibilnih maraka) sa PDV-om

II

Za izvršenje ove Odluke zadužuje se Služba za investicije i zaštitu okoliša.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

Ukoliko je ponuđač u sklopu svoje ponude dostavio originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, iste nije dužan ponovno dostavljati.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-3563/26 od 22.04.2026. godine.

Procijenjena vrijednost javne nabavke sa PDV-om je: 46.000,00 KM (slovima: četrdesetšesthiljada i 00/100 konvertibilnih maraka).

Obavještenje o javnoj nabavci broj: 935-1-2-62-3-148/26 objavljeno je na Portalu javnih nabavki dana 08.05.2026. godine

Komisija za javnu nabavku roba, radova i usluga imenovana je Rješenjem Općinske načelnice broj: 01-30-5-6855/26 od 10.07.2026. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispijelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 29.05.2026. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	SAFEGE BOSNIA d.o.o. Sarajevo	45.981,00 KM
2.	IPSA INSTITUT d.o.o. Sarajevo	46.000,00 KM
3.	BOSNAING d.o.o. Sarajevo	37.720,00 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala sljedeće:

Ponuda ponuđača IPSA INSTITUT d.o.o. Sarajevo je **prihvatljiva** jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača SAFEGE BOSNIA d.o.o. Sarajevo, Komisija je ocijenila kao **nepravilnu** iz sljedećeg razloga:

Tenderskom dokumentacijom u tački 7.4. „Tehnička i profesionalna sposobnost“ zahtijevano je da ponuđači trebaju ispunjavati minimalne uslove, između ostalog i sljedeće:

„ a) *Uspješno iskustvo u realizaciji najmanje 1 (jedan) ugovor čija je složenost ista ili slična predmetu ugovora – vršenje stručnog nadzora nad izvođenjem radova na sanaciji i/ili rehabilitaciji i/ili restauraciji objekta nacionalnog spomenika, u posljednje 3 (tri) godine, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine,*

U svrhu dokazivanja ispunjenosti uslova iz tačke a) ponuđači su dužni dostaviti sljedeće:

DOKAZ ZA a1): Spisak uspješno realizovanih ugovora čija je složenost ista ili slična predmetu ugovora – vršenje stručnog nadzora nad izvođenjem radova na sanaciji i/ili rehabilitaciji i/ili restauraciji objekta nacionalnog spomenika. (Dokument 3).

DOKAZ ZA a2): 1 (jedna) potvrda o uspješnoj realizaciji ugovora čija je složenost ista ili slična predmetu ugovora – vršenje stručnog nadzora nad izvođenjem radova na sanaciji i/ili rehabilitaciji i/ili restauraciji objekta nacionalnog spomenika (Dokument 4).;

NAPOMENA: *U potvrdama mora biti jasno iskazano da su se uspješno realizovani ugovori čija je složenost ista ili slična predmetu ugovora – vršenje stručnog nadzora nad izvođenjem radova na sanaciji i/ili rehabilitaciji i/ili restauraciji objekta nacionalnog spomenika, u posljednje 3 (tri) godine, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine, u protivnom ugovorni organ potvrde neće prihvatiti i ponuda će se odbaciti kao nepotpuna. Potvrda o izvršenom ugovoru obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, te navode o uredno izvršenim ugovorima.*

Također, u tački 8.1.3. tenderske dokumentacije definisano je sljedeće: „Ponuda i svi dokumenti i korespondencija u vezi sa ponudom između ponuđača i ugovornog organa moraju biti napisani na jednom od službenih jezika u Bosni i Hercegovini. Štampana literatura, brošure, katalozi ili slično, koje dostavlja ponuđač ne moraju biti prevedeni“.

Ponuđač SAFEGE BOSNIA d.o.o. Sarajevo je dostavio u sklopu svoje ponude (stranice 22 – 23) Potvrdu o uspješnoj realizaciji ugovora izdatu od Delegacije Evropske unije za BiH broj: 2022/430-923 od 04.12.2025.

godine, koja je napisana na engleskom jeziku i Izjavu o uspješnoj realizaciji ugovora od 26.05.2026. godine, u kojoj potvrđuje navode iz Potvrde koju je izdala Delegacija Evropske unije.

Shodno naprijed navedenom, Ugovorni organ nije mogao prihvatiti navedenu potvrdu iz razloga jer je ista napisana na engleskom iako je jasno tenderskom dokumentacijom propisano da ponuda i svi dokumenti vezani za ponudu moraju biti napisani na jednom od službenih jezika u BiH. Također nije navedeno mjesto i vrijeme izvršenja ugovora kako je traženo u tenderskoj dokumentaciji.

Nadalje, iako je ponuđač dostavio Izjavu u kojoj potvrđuje navode iz Potvrde o uspješnoj realizaciji ugovora izdatu od Delegacije Evropske unije za BiH, ista se nije mogla prihvatiti iz razloga jer se tenderskom dokumentacijom tražila Potvrda o uspješnoj realizaciji ugovora kao dokaz da je ponuđač uspješno realizovao ugovor. Ugovorni organ smatra da u slučaju da je postupio drugačije, da bi prekršio član 3. Opštih principa, kojim je definisano da se, u postupku javne nabavke prema kandidatima/ponuđačima ponaša jednako i nediskriminirajuće, a sve iz razloga jer u konkretnom slučaju bi se uzimala Izjava o uspješnoj realizaciji ugovora kao adekvatan dokaz, iako je tenderskom dokumentacijom tražena Potvrda o uspješnoj realizaciji ugovora kao adekvatan dokaz.

Iz naprijed navedenih razloga, ponuda ponuđača SAFEGE BOSNIA d.o.o. Sarajevo se nije mogla uzeti u dalje razmatranje.

Ponudu ponuđača BOSNAING d.o.o. Sarajevo, Komisija je ocijenila kao nepravilnu iz sljedećeg razloga:

Tenderskom dokumentacijom u tački 7.4. „Tehnička i profesionalna sposobnost“ zahtjevano je da ponuđači trebaju ispunjavati minimalne uslove, između ostalog i sljedeće:

„ a) Uspješno iskustvo u realizaciji najmanje 1 (jedan) ugovor čija je složenost ista ili slična predmetu ugovora – vršenje stručnog nadzora nad izvođenjem radova na sanaciji i/ili rehabilitaciji i/ili restauraciji objekta nacionalnog spomenika, u posljednje 3 (tri) godine, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine,

U svrhu dokazivanja ispunjenosti uslova iz tačke a) ponuđači su dužni dostaviti sljedeće:

DOKAZ ZA a1): Spisak uspješno realizovanih ugovora čija je složenost ista ili slična predmetu ugovora – vršenje stručnog nadzora nad izvođenjem radova na sanaciji i/ili rehabilitaciji i/ili restauraciji objekta nacionalnog spomenika. (Dokument 3).

DOKAZ ZA a2): 1 (jedna) potvrda o uspješnoj realizaciji ugovora čija je složenost ista ili slična predmetu ugovora – vršenje stručnog nadzora nad izvođenjem radova na sanaciji i/ili rehabilitaciji i/ili restauraciji objekta nacionalnog spomenika (Dokument 4).;

NAPOMENA: U potvdama mora biti jasno iskazano da su se uspješno realizovani ugovori čija je složenost ista ili slična predmetu ugovora – vršenje stručnog nadzora nad izvođenjem radova na sanaciji i/ili rehabilitaciji i/ili restauraciji objekta nacionalnog spomenika, u posljednje 3 (tri) godine, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine, u protivnom ugovorni organ potvrde neće prihvatiti i ponuda će se odbaciti kao nepotpuna. Potvrda o izvršenom ugovoru obavezno treba da sadrži: naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora, te navode o uredno izvršenim ugovorima.

Ponuđač BOSNAING d.o.o. Sarajevo je dostavio u sklopu svoje ponude spisak uspješno realizovanih ugovora vršenja stručnog nadzora nad izvođenjem radova na sanaciji, rehabilitaciji i restauraciji objekta nacionalnog spomenika (stranica 33 ponude), te Potvrdu o uspješnoj realizaciji ugovora izdatu od PLANETARIS d.o.o. Zagreb od 08.08.2025. godine (stranica 34 ponude).

Komisija je utvrdila da spisak uspješno realizovanih ugovora vršenja stručnog nadzora nad izvođenjem radova na sanaciji, rehabilitaciji i restauraciji objekta nacionalnog spomenika, nije u skladu sa traženim u sklopu tenderske

dokumentacije iz razloga jer iz istog se ne može utvrditi da predmet realizovanih ugovori je vršenje stručnog nadzora nad izvođenjem radova na sanaciji, rehabilitaciji i restauraciji objekta nacionalnog spomenika.

Nadalje, navedena Potvrda ne zadovoljava traženo u sklopu tenderske dokumentacije iz razloga jer u navedenoj potvrdi nije naznačeno, niti postoje navodi o uredno izvršenim ugovorima, nije preciziran predmet ugovora već se navodi da je ponuđač BOSNAING d.o.o. sudjelovao u projektu rekonstrukcije klizišta K-21 u Sisku, te se ne može zaključiti da se radi o vršenju stručnog nadzora nad izvođenjem radova na sanaciji i/ili rehabilitaciji i/ili restauraciji objekta nacionalnog spomenika. Također, ista ne sadrži naziv i sjedište ugovornih strana, odnosno napisani su naziv i sjedište ugovorne strane BOSNAING d.o.o. Sarajevo, dok za PLANETARIS d.o.o. Zagreb nije navedeno sjedište ugovorne strane i iz punog naziva može se zaključiti da se radi od firme iz R. Hrvatske, tačnije iz Zagreba.

Iz naprijed navedenih razloga, ponuda ponuđača BOSNAING d.o.o. Sarajevo se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. Br.	Naziv i sjedište ponuđača	Ukupna ponuđena cijena sa PDV-om
1.	IPSA INSTITUT d.o.o. Sarajevo	46.000,00 KM

Komisija za javne nabavke roba, radova i usluga je jednoglasno predložila Općinskoj načelnici da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača, te da se ponuđaču IPSA INSTITUT d.o.o. Sarajevo dodijeli Ugovor, čija ponuda je ocijenjena kao najpovoljnija, na osnovu kriterija najniže cijena, u ukupnom iznosu ponude od 46.000,00 KM (četrdesetšest hiljada i 00/100 konvertibilnih maraka) sa PDV-om.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).

DOSTAVLJENO:

- SAFEGE BOSNIA d.o.o. Sarajevo
- IPSA INSTITUT d.o.o. Sarajevo
- BOSNAING d.o.o. Sarajevo

